



Jahresbericht zur 5. Generalversammlung vom 2. November 2020

Clubjahr 2019 / 2020

Liebi Skiclubmitglieder + Skiclubvorstand

Ich begrüessä eu zur hütigä Generealversammlung.

Es isch mer e freud, hüt a dem Mäntig zäme mit eu und minä Vorstandskollegä zum 5. mal D'Skiclub z'friedä GV dörfä abzhaltä .

Händers gmerkt ?

Eusä chli Club isch 5 jahr alt. Das isch Sensationell !

Weniger lässig isch das cheibä Chäferli us Fernost. Drum sitze mir hüt a 4er Tischli .

Sportlich erfreulich isch, dass mer au uf dä Ski gsandä sind und eigentlich alles guet über Bühnä isch gangä . Aber halt ! Ebä nur eigentlich.. Da häts dä doch na ä übli Steissbeinprellig und Rippä Bruch gä, aber das chunt i dä nöchschtä 2 Minutä i dem Brichtlii.

Rückbetrachtig uf's 2020

Wie immer simmer zahlrich am 6. Februar mit äm legendäre Skitag vom Restaurant Friedä id Skisaison gstartet. Zum erschtä mal händ mir Meiringen-Hasliberg unter Brättli und Fuess gno. Än tollä Schneetag mit er ä perfektä Organisation händ mir dörfä erläbe.

Hola, Wetter hät passt und die neueä Gaschtwirt händ alles für eus gä. Uf däm Berg häts für Skifahrer und Apreskiportler ä vielfältigs Programm wo allnä gfallt. Unglücklich isch ä Landig über ä Kretä mit zchurzä Stossdämpfer verloffä. So äs prellts Steissbei cha chogä lang weh tue.

Mit äm Bus zrugg in Züri hämmer am Abig im Restaurant Friedä wieder äs feins Fondue dörfä gnüssä. Dankä a dä Claudia und Ihrem Hälfferteam.

Am 12. - 15. März simmer id Flumserberg ufbrochä . Im Hotel Tanneboden isch sletscht mal vor öm Abruch vom Hotel alles Parat gsi für äs frächs Weekend.

Apropo Abbruch,... Jetzt mus i nach Luft schnappä.

Nach eim Tag Ski fahrä mit Apres Ski isch dänn abrupt dä Bundesrat uf die Idee cho mittä im Weekend alli Skipischtä zuä zmachä. Also isch dä Alass bizli fruehner fertig gsi. Es isch wis isch.

No chli früehner wäge ä mä Sturz zu Fuess isch für eis Mitglied dä Heiwäg mit Tatütatü und und Umwäg über Spital Walestatt arg unplanmässig verlaufä. Diä Rippe hebet wieder oder ?

Was gits schöners , als im Juli im Summer im Schuelhus Käferholz bim Res go euses Summerfäscht chönä zfierä ? Nach unsicherem Wätter häts genau uf dä Mittag ufgrissä und so hämmer Grill , Lotto und feinä Wy a gogo chönä verussä im Gartä gnüssä. Es isch super gsi.

Vielä Dank am Res und Sandra und allnä Teilnehmer. Bravo

Ä chli Statistik

Mir händ 1 Vorstandträff gha, 1 Revisorä Zämekunft und 1 Generalversammlig.

1 Neuitritt mit äm Bruno Sievi. Hello und Willkommä!

Dä Verein isch mit Mitglieder inkl. Vorstand mit 25 Personä voll bsetzt. Also usverchauft .

Im Bereich Finanzä werdet Ihr nachher ghörä, das mir ordentli dastönd .

Dankeschön !

S'Jahr 2021 i dä Vorschau:

Au im nöchschtä Jahr möchtät mir am 4. Februar wieder am Skitag vom Restaurant Frieden mitmachä. Mit äm Heinz han i abgmacht, dass mir dä im Januar situativ entscheidet öb das dänn au Live a dem Datum klappä wird.

Au euses Summerfäscht im Juli isch im Jahres Programm.

Äs Skiweeknd im März staht no i dä Sternä. Ich schla vor, dass ihr hüt mal drüber redet, wer was möcht.

Hüt wird dä Bruno Ita us äm Vorstand als Vize Presi zrugträttä. Als neuä Vize tritt dä Marcel Ulrich zur Wahl a.

Alli Datä und News sind aktuell uf dä Homepage www.zfriedae.ch abruefbar.

Ehrigä im 2020:

Es hät gradi und spezielli Geburtstäg gä:

- | | |
|-------------------|----------|
| - Heinz Apolloni, | 75 Jahre |
| - Jörg Hunziker, | 65 Jahre |
| - Heinz Rösti, | 70 Jahre |

Au alli anderä sind eis Jöhrli älter wordä. Proscht zämä!

Jetzt wo Ihr alli so schön artig am Tischli sitzed, chan i ja sägä, dass es hüt im Abschluss von
dä GV äs sehr feins Aesse us dä super Chuchi git.
Bereits jetzt wünsch i än Guetä.

Fürs neue Jahr wünschä ich eu und Familie au im Namä vom Vorstand ä baldigä
Normalzuästand da verussä , Gsundheit und ä unfallfrei i Winterziit.

Ich machs zbs. ä so, dass immer wänn im Fernseh öper Corona seit, ich dörf vom Sofa
ufstah, id Chuchi ga , eis go nä.

Dä Presidänt

A handwritten signature in black ink, appearing to read 'R. Eschmann', written in a cursive style.

Richi Eschmann